

**■ GLOSSA**

# Spray per culps libers

DA SILVIO CAMENISCH

**L**a stgima da far la barba per culps libers al campionadi mundial da ballape duai era vegnir prendi sin budgets per material da scola. Ussa nair da basegn. Sco magistra u magister da la scola moderna na dumognas betg pli da retegnair tschertas mammas tscherts babs, nundisciplinads, sin distanza cun maniera!, na dumognas ti betg pli. Las manieras modernas da tschertas mammas tscherts babs da la moderna collecziun da geniturs u fiss gugent, quellas provoche-schan mintga emna ina duas trais giadas en stanzas da scolastas, tantas sco furmiclas, nua èn ils scolasts restads?, e dattan da discutir en ils palavers.

**D**urant l'instrucziun d'integrasiun intensiva: separads integrads, integrads separads u tge adina è ina mamma top moderna buna da vegnir andetgamain cun l'isch en stanza. Andetgamain è quella giaglia u tschella giagina en tia stiva da scola di insatge sur tuts chaus vil! Tschertinas betg pli modern da spluntar e spetgar mo anc in pitschen mument, prest avriss gea la scolasta Aurora u la pedagoga curativa u insatgi dal management e cumpetenzas da la scola extrem



orientada a l'avegnir sco quai ch'ella sa venda, quella scola.

**L**a giuvna mamma glamurusa, Irina Beller u lady Gaga, di ussa e qua insatge al vegl scolast curt avant la bella pensiun u trista mort, tge adina! Quella di ussa tut, na retegn nagut! Las personas ch'emprendan, die Lernenden, gnanc fan stimbler, conuschan era betg auter. La mamma tatuada en extrem, da chau a pe tranteren era è quella tatuada latiers enferrada cun rintgs rintgs, tants sco ch'insatgi vul!, ed insatgi vul ella uschia, la signura dals tatoos e dals rintgs. E l'uffant duai er dastgar.

**L**a nova generaziun u collecziun da geniturs gughegia tut, tema nagut. Nagin pretenda ch'ins stuess avoir bunamain la tema da Dieu dal scolast curt avant la pli bella stagion u tut lasuenter trida

mort andetga! In zic manieras, in zic respect. Aves il vegl scolast da la scola veglia in spray, ina stgima da far la barba da la nova tecnologia, el tirass in ferm stritg da stgima a quella u tschella egocentrica, senza cunfins! El ha mo ina crida ed ina tabla sco ils vegls avevan. Wie die Alten sun-gen. In cler no-go en la scolanova!

**F**a la scola puspè in project, insatge auter che projects projects: per sa vender meglier! na fa la scola innovativa betg pli, betg pli! Fa ella gist in campionadi mundial da scola datti pront ina spessezza da geniturs, schessan nus Elterndichte, sin las lingias e perfin suren! Dretgs babs u mo cucus, gnanc sa la mamma ussa pli segir, fa nagut, chatschan lur pitschen stars fissgugent (fiss gea er gugent, in star, na sun betg, mes numalin è in). Ils babs e las mammas egos tuts e tuttas sbragian da nar: Sajetta tez! Faula quel! El ha er tai!

**S**co scolast en la rolla difficila avunda d'arbitrer tranter babs e mammas ed uffants, tuts ensemen nunditgs egos!, malgrà furmas socialas u pir da dretg, pir da dretg, duvrassas urgentamain sprays uschia, stgima da far la barba um e dunna uschia!